

docst 文川网
入駐商家 文川书城
在文川网搜索古籍书城 获取电子书

中國方志叢書·華北地方·第二〇六號


據

清·曹鳳來纂修
光緒十九年刊本

影印

河北省

無極縣續志



11/17875

成文出版社印行



中華民國五十八年 月壹一版

無極縣續志

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

版權所有

內政部登記證內版台業字第一一四七號

無極縣續志

docsriver 文川网
入驻商家 古籍书城

在文川网搜索古籍书城 获取更多电子书

光緒癸巳續刊
板藏聖泉書院

續修無極縣志序

邑之有志即周官所謂外史

氏掌四方之志志者志也志

其事所以維繫人心者也世

風漸易舉凡制度之沿革風

俗之純澆古蹟人物之考證
及山川賦役之紀載苟無乘
以志之則司土者無所借鏡
而人心何資觀感况邑志者
郡志所賴以探討者也邑志

略則郡志益無所據而欲徵
文考獻維世風於不敝其可
得乎戊子歲余典郡常山下
車後極思興廢舉墜尤兢兢
以修志為急而無邑界郡東

偏距七十里數年來每索觀
舊志多漫漶不可復識其典
章興廢戶口盛衰詢之士人
多不能道其詳者緣自乾隆
十四年龍溪黃君修志迄今

百三十餘年矣代遠年湮繼
纂無人故聽其漫滅而無可
如何居是邦而不能明晰其
掌故伊誰之咎歟壬辰冬曹
君儀庭權是邑余與商權曹

君毅然以續修為己任爰謀
之邑紳李子鳳閣劉子春旭
廣采博訪捐資舉辦凡舊志
之闕者補之訛者正之閱五
月而告成士習民風朝章國

典山川道里因革損益粲然
大備噫曹君涖任甫數月耳
竟成百餘年未成之盛舉而
李劉兩紳出貲慨然故能輯
成是書其曹君行政敷教相

洽於斯土為何如乎李劉兩
紳急公好義關心於世教又
何如後之良有司誠即所志
孜孜講求廢者興墜者舉是
大有造於是邦而所以維持

人心風俗於不敝者豈淺鮮
哉書既成曹君請序於余辭
不獲故樂而為之序

記名二品頂戴鹽運使銜即補
道知正定府事江夏陳慶滋書

庚



五

序

志者古史之流也凡歷代
廢興之故因時損益之端
天人之所以相應陵谷之
所以屢遷與夫吏治之純

雜民風之厚薄文教之盛
衰胥於志焉括之志書不
作則一行作吏借鏡無由
而欲措施之間上有益於
國計下無損於民生蓋其難

docsriver 文川网
入驻商家 古籍书城

在文川网搜索古籍书城 获取更多电子书

矣余捧檄來極甫下車卽
索觀舊志杳不可得僅見
續稿兩卷排纂未精遂謀
諸邑人搜尋舊志板雖存
而漫漶實多夫前志修自

龍溪黃公其人賢尹也其
書名著也繼之者探討無
人遙遙莫續於今一百三
十餘年矣爰采新聞增以
故事務期準乎今以酌古

核其實以刊浮併前志之
略者詳之闕者補之俾來
者因得以徵文考獻或有
合於史家之體而不致貽
續貂之譏乎獨是邑中廢

墜多端及時興復所費不
貲幸余與民有相信之雅
不至疑爲厲已也一切采
輯校讐之費李子鳳閣獨
任之一切梨棗剞劂之費

劉子春旭獨任之自春徂
秋五閱月而工竣要皆體
余不敢擾民之意而樂爲
贊襄是可嘉也於是識其
顛末而爲之序

光緒癸巳仲秋

欽加同知銜 賞戴花翎署正

定府無極縣事山西榆次

曹鳳來撰

無極縣續志凡例

一前志重修於邑令黃公可潤刪繁撮要極得陸清獻公遺意至今一百三十餘年此公遺愛在民邑人不忍沒其手澤茲爲續之間補其闕卽有變通無妨舊例如易星野以晷度增寺觀於古蹟之類

一古今志乘以圖爲重所以謂之圖經也茲編各圖仍置卷首庶閱者開卷了然

一疆域沿革爲地理大端前志已詳茲不複出非闕略也卷中各類仿此

一河渠爲邑中要務陵谷變遷今異於古茲編博考詳

書不敢稍參私見恐致失實古人云與河爭地不如
棄地與河而患自息洵名言哉

一前志每以風俗之澆爲慮諄諄告誡不厭其詳今則
返樸歸純較易爲治

一前志以陘邑一村明季并入定州不收劉越石一家
列傳茲編謹遵府志并詩文一例採入蓋地以人重
不忍去之且焉知其必在所裁十三村內也

一鄉賢名宦定自

朝廷非志乘所敢擅許甯從闕如至於宦蹟偏端人物列
傳采之務博書之甚約庶不致以濫登貽譏

一 人物事實日久論定生存者不錄無實蹟可據者不錄節孝例得請 旌者始載茲編稍寬其格亦善善從長之義也

一 史例藝文志止載書目邑人著作半已失傳茲編仍遵舊例書目附載本傳至於采輯詩文慎防標榜生

一 凡瑣事軼聞有裨世道而無類可附者置諸卷末爲
雜志

一 畿輔通志體例精嚴本宜遵照排纂因爲期甚迫籌款

不易故分類一仍舊例度與舊志一色通體重修則
俟後之君子

稟

合邑紳民全具

爲恭記政績懇 恩俯準載入續志以傳永久事竊邑
中諸務廢弛無力興修自

父台蒞任以來一例整頓如修 文廟修志書修橋修
堤諸大端有志竟成均差徭而絕無浮派有功必賞給
牌札而不須勒捐極巡察之勤化已洽於百里爲教養
之計成無俟乎三年茲值修志告成之期紀績不徒虛
言措詞胥關實政非諂諛之可比乃頌禱有同情恭撰
成文宜登續志伏維

父台無施無伐豈邀譽於閭閻而百姓報德報恩願傳

芳於奔禩爲此合詞敬懇

父台大人恩準施行

實政記恭錄於左

縣令爲親民之官而親民以得民心爲本民心得而後
政事舉然而難也非有功於民而民不知也非有惠及
民而民不覺也

邑侯曹公蒞任以來潔已奉公深得民心功與惠兼而
有之矣我邑木刁溝河工素稱險要屢費巨款修築維
艱公周歷履勘急民之急不請欵於上不苛派於下繁
費經營設法請獎稟懇

docsriver 文川网
入驻商家 古籍书城

在文川网搜索古籍书城 获取更多电子书

督憲傅相李照請批准賞發獎劄公牌擇尤獎勵公之勤
慎耐勞勇於辦事尤爲

督憲傅相所素知是以屢請屢准舉辦諸務民皆踴躍爭
先竭力挑築竟成莫大之工程非特本邑地面受惠而
隣境之定州深澤近河士民均爲公誦功頌德稱揚載
道濱河各隄亦工倍於前公耐勤勞督率栽種柳樹加
搭土牛堅固隄身以禦水患上蒙

道憲所嘉獎下爲邑民所感戴尤難者附城東南西三關
大橋坍塌有年公提欵購石建修七空大石橋三座以
免深厲淺揭之慮修 文廟修城樓蓋狀觀瞻之雄其

所以告厥成功者皆其深得民心所由來焉然不獨此也其審理案牘立解片言下民脂膏莫染一塵此乃廉以持已公以待人則清慎勤庶可爲公頌也公有此諸大端以治余邑不得不傳其政績以垂於後茲因公爲余邑纂修志乘一律告竣爰述其事以爲之記

合屬士民諄囑代撰

邑侯曹公政績記業經稟請載入藝文近復接到在城士民新撰實政記一篇適值剗報竣補刊於此

紀實也

李鳳閣謹識